


www.BibleForChildren.org

Mwanduso 3




Mulume kamtanga muke wake
Hawa, kwaviya niiyo mama wa
wanhu wose weli na ugima.



Lelo zoka dikala vwizi kufosa wanyama wose wa kumbago wowalumbigwe na Mndewa Mulungu. Zoka dimuuzza imuke, “Vino Mulungu kawalongela kuwa sekemuje tunda da mbiki wowose muna umgunda?”




Muke ija kamwidika,
“Chodaha kuja tunda
da mbiki wowose muna
umgunda, mbali Mulungu
kachilongela sekechije matunda ya mbiki
uli haludonho hebu kuudalisa.
One chahatenda ivo chizadanganika.”




Zoka dimwidika
muke iyo, “Siyo kweli,
hamwizadanganika.”

Mana Mulungu
kavimanya kuwa muhaja matunda yayo
meso yenu yezagubuligwa na mwizakuwa
fana yeye na mwizamanya yanogile na
yehile.



Kawona uja mbiki wounogeza ng'hani
na matunda yake yodaha kudika,
na kagesa unoga ng'hani uhadahile
kuwa na ubala, ivo kaha tunda na
kaja. Maabaho kamwing'ha
mulumake,
nayo iviya kaja.



Bahobaho viwakomeleze kuja,
meso yawo yagubuligwa na
wavimanya kuwa waukengele,
ivo wasola mayani wayawala.





Mbali Mndewa

Mulungu kamtanga mulume na

kamuuzza, “Kwa kulihi?” Nayo kamwidika,

“Nikuhulika muna umgunda, nidumba kwaviya

naukengele. Ivo niifisa.”





Mndewa Mulungu kamuuza,
“Yelihi yoyakulongele weye kwa ukengele?
Vino weye kuja tunda da mbiki unikulongele
sekeuje?”



Mulume kamwidika, “Mwanamke youmwikile hano na niye, youning'hile, iyo yaning'hile tunda da mbiki uwo. Na niye nidija.” Mndewa Mulungu kamuza mwanamke, “Weye kutenda choni?” Mwanamke kamwidika, “Zoka dinivwizila, na niye nija ditunda.”




Ivo Mndewa Mulungu kamuwinda
Adamu muna umgunda wa Edeni na
kamtendeza yalime muna ulongo
uyalawile.





Kamuwinga Adamu, na keka wasenga
wakalizi wa kuulanga ubanzi wa ulawilo
wa zuwa wa mgunda wa Edeni,
wakala na panga da moto
dodikalile dohinduka kuno na
kuno muladi
waukalize
umbiki wa ugima.




Adamu kambandama Hawa muke wake, na kapata wimo. Kamweleka mwana wa chilume yatangigwe Kaini, nayo kalonga, “Kwa kutazigwa na Mndewa Mulungu nipata mwana wa chilume.” Hamwande kamweleka mwana imwenga zina jake


Abeli. Abeli kakala mdimi wa ng'hondolo na Kaini kakala mulimi wa isi.



Maabaho Kaini kagala mavuno yake yamwenga na kayalava kuwa nhosa kwa Mndewa Mulungu. Abeli nayo kagala nyama inogile na mavuta ya ng'hondolo wake wa mwanduso kwelekigwa kuwa nhosa.




Mndewa Mulungu kanogelwa na Abeli na nhosa yake.
Mbali Kaini hatogoligwe na Mndewa Mulungu na
nhosa yake, ivo Kaini kengilwa
na ludoko ng'hani, na kakwesa
ng'hombali.



Maabaho Kaini kamulongela mdodo wake Abeli,
“Chihite kumgunda.” Viwakalile kumgunda,
Kaini kamzumhila mdodo wake
na kamkoma.




Maabaho Mndewa Mulungu kamuuza Kaini, “Kakulihi mdodo wako Abeli?” Kamwidika, “Niye sivimanyile bule. Vino niye ndolezi wa mdodo wangu?” Kaini kahasegela ha Mndewa Mulungu na kakala isi itangigwa “Nodi”, niyo ili ubanzi wa ulawilo wa zua wa Edeni.




Adamu kambandama kaidi muke wake, nayo keleka mwana wa chilume. Kalonga, “Mulungu kaning'ha mwana wa chilume badala ya Abeli, yoyakomigwe na Kaini.” Ivo kamtanga Seti.



Viyakomeleze kumweleka Seti, Adamu kakala miyaka magana manane na keleka wana wamwenga wa chilume na wa chike. Adamu kadanganika na miyaka magana kenda na malongo matatu.




Mndewa Mulungu kawona wihi mkulu wa wanhu muna iisi na magesa yawo yehile chila siku, Ivo Mndewa Mulungu kengilwa usungu ng'hani kwa kumulumba munhu na kumwika muna iisi, na kawona usungu ng'hani



muna umoyo wake.



Mndewa Mulungu kalonga, “Nizamsegeza munhu yonimulumbile muna isi, na iviya nizawasegeza wang'onyo, waja wotambala na ndege wa kuulanga. Nojuta kwaviya niwalumba.”




Mbali Mndewa Mulungu kanogelwa na Nuhu.
Nuhu kaweleka wana watatu wa chilume,
wowatangigwe Shemu na
Hamu na Yafesi.



Kwaviya Mulungu kawalonda wanhu wa
isi yose mbaka kamulava Mwanage
nyachende, muladi chila munhu
yoyomtogola sekeyadanganike,
mbali yawe na ugima
wa siku zose.



2



60



Waloma 3:23

kwaviya wanhu wose watenda uhasanyi na
kuhungukiligwa na utunhizo wa Mulungu.

Waloma 6:23

Yombe da uhasanyi ni ifa, mbali chitumetume cha
Mulungu ni ugima wa siku zose muna ukuilumba na
Chilisito Yesu, Mndewa wetu.

Waebulaniya 9:27

Chila munhu kolondeka yadanganike teng'hu,
na maabaho yatagusigwe na Mulungu.



Waefeso 2:8,9

Kwaviya kwa unovu wa Mulungu mukomboligwa kwa nzila ya uhuwilo. Mbuli ino hailawa kumwenu mweye wenyewo, mbali chitumetume cha Mulungu. Wala hailawa kwa sang'hano zenu wenyewo, ivo munhu yoyose sekeyaigode.

Waloma 10:9,10

One uhatogola kwa mulomo wako Yesu ni Mndewa na uhahuwila muna umoyo wako kuwa Mulungu kanzilibula kuwadanganike, kwizakomboligwa. Kwaviya kwa moyo munhu kohuwila na kopetigwa kanoga haulongozi wa Mulungu, na kwa mulomo kotogola na kukomboligwa.



Yohana 3:16,17

Kwaviya Mulungu kawalonda wanhu wa isi yose mbaka kamulava Mwanage nyachende, muladi chila munhu yoyomtogola sekeyadanganike, mbali yawe na ugima wa siku zose. Mulungu hamtumile Mwanage mwiisi yawataguse wanhu muna isi, mbali kamtuma yawakombole.

1 Yohana 5:11-13

Na ukalangama wenyewo uwo uno, Mulungu kaching'ha ugima wa siku zose, na ugima uwo wopatika kwa nzila ya Mwanage. Munhu yoyose yeli na Mwana wa Mulungu kana ugima uwo, munhu yoyose yelibule Mwana wa Mulungu kabule ugima uwo. Nomwandikilani mbuli zino mweye womudihuwila zina da Mwana wa Mulungu muladi muvimanye kuwa muna ugima wa siku zose.



Mwanduso 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Kwere Bible (cwe) © 2014 Pioneer Bible Translators and
The Word for the World

OT © 2019 Pioneer Bible Translators

<https://www.bible.com/bible/1125/GEN.1.CHING'HWELE>

©2026 Bible for Children, Inc.

www.M1914.org

www.bibleforchildren.org

